

Regenerationis gratiam multis demùm temporum intervallis post subsequi baptismum, in Infanti à perceptum: quin potius in illo ipso temporis momento, & baptismi actu, illam verè non quidem ex opere operato: sed institutione & promissione Christi, statim conferri piè creditur.

107. Neque verò isthæc, quæ huc usque de efficaciâ Baptismi sunt disputata, eò sunt rapienda, quasi non Spiritus sanctus modo extraordinario, regenerationem in homine operari sine medio & organo isto possit, si velit.

108. Haud enim sumus nescij, Spiritu sancto donatos fuisse quosdam in primitiva Ecclesia Apostolorum, priusquam baptismo tincti essent, uti de Cornelio scriptura testatur. Act. 10.

109. Sed quid ordinario modo & ratione, à DEO ipso sancitâ, infantibus in usu baptismi conferatur, hic potissimum attendimus; ad quem modum, uti in casu necessitatis, Spiritum sanctum minimè alligatum esse, credimus: Ita eundem, (ordinarium modum si spectes) per Baptismum Regenerationem hominis efficere, certò statuimus.

QVÆSTIO V.

Ad quos Baptismi fructus se extendat.

l i s

In